

北京日報

第二百一十二册

代表人朱洪

論說

二月二十七日

趙將軍札奏勸諭出洋紳商經營東三省商務公文

欽命鎮守盛京等處將軍管理五部兼管奉天府府尹事務兵部尚書都察院右都御史總督奉天旅民地方軍務兼理糧餉趙為札雲事照得競爭世界商戰為先中國商務不遜於列邦而尤以出洋華商為特色近自港坡遠至美澳莫不有華商足跡荷無華商試問該國成何景象信用之廣工藝之優堅苦卓絕中外傾服每歲匯寄資財數億萬計挽回利權於無形之中裨益中國實非淺鮮朝廷洞鑒斯情明詔保護優詞褒許期望殷勤上以誠求則下以誠應於是魁奇豪傑投袂奮興如煙台釀酒公司之設立潮汕鐵路之經營閩廣農工商礦之督辦是為志士經營中國商務之始猶惜其偏於一隅而影響未被於全國也奉天西數北洋東聯吉黑南踞遼海北帶蒙疆大隴茫茫無非沃野山川繁帶水陸交通礦產富有森林繁殖穀果競茂魚鹽擅饒大然之利人為之品細大不捐更僕難數有調查上等商務者各省占什之三而東三省居什之七如此天府之國經商者不於此而何不本軍督部堂奉天留守之旨正兩國和約告成之年從此西伯利亞鐵道暢行萬通商之埠廣闊歐亞樞紐繫結於此昔祇為中國報本之重地今則為各國商務之心如此而不爭是謂放棄其責任國人奉此以詰責本軍督部堂直無詞以對故本軍督部堂不能不屬望國人而尤不能不屬望於出洋人士以合羣力而謀公益當務之急是為最先將命之使今難再緩查有奏調奉天翰林院庶吉士熊希齡品學兼優通經濟學在先隨欽命出洋戴端大臣考查政治取道南洋經手歐美於是本軍督部堂懇款之熟誠難言之曲隱以及東三省之狀態商務之情形遂得全託該紳為代表以達於出洋諸紳商之前合亟札委為此札仰該紳遵於調查政治之餘遍訪洲埠紳董士民善為陳說廣事招徠人有母國之思孰無故鄉之愛中國一家東三省即閩粵也論公誼既應共謀論私情不容膜視所願競投資本各出技能惠然肯來爭先恐後大者農工路礦糾股經營小之工藝營運隨宜創述本軍督部堂保護提倡責無旁貸並為嚴禁官吏需索以及種種病商之弊決不使商家有愁苦之慮懷閩浙之憂彼君子分瞻肯適我慎勿以東省為遠而裹足不前一葦可航同胞何隔比諸南洋美澳孰遠孰近



見穩宜早遷地島島又見異域之與宗邦得失取舍當無待智者而決矣本軍督部堂所以屬望於出洋人士者至殷且迫所以爲奉省謀者亦至殷且迫語曰先發制人後發者制於人兵法有之商務亦然該紳此行又出洋人士與奉省之絕大關係也該紳其好爲之特札

布札奉調奉天翰林院庶吉士熊希齡准此

## 譯電

馬爾坡開收日本賑款○西歷三月二十號路透電云馬佐公爵在澳洲(馬爾坡)商埠開收日本賑荒專款刻已集款一千三百磅云

日艦抵澳○同日又電云日本水師(卡心拿)及(折波里)兩戰艦于本月行抵英國刻下倫敦大公司館日本兵士于總督所

公爵盛宴○同日又電云馬佐公爵延請各條屬在其府第筵宴

延宴駐俄日使○同日又電云俄國(南士多夫)伯爵延宴日本駐聖彼得堡頭等公使(莫同)君英公使及本國外交官均在座陪宴云

俄皇款接日使○同日又電云日本駐俄頭等公使(莫同)君到聖彼得堡時尚未投遞國書俄皇已先行款接云

俄築鐵路○同日又電云倫敦日日電報館據其駐俄訪事員布告云達斯根(俄屬西域大城)至盾士格(西比利亞中央大城)兩處不日將測量路線築造鐵軌云

## 要緊新聞

許廷函阻立憲○卸任駐義使臣許廷日前致函政府大致謂歐美立憲政體民氣甚熾流弊極大視易置政府疆臣如奕棋然云云按立憲政體近日已成環球各國公例萬無可阻止之理幸皇太后皇上聖明特派五大臣考察各國憲法以奠憲政基礎率土臣民額手相慶以爲國家億萬年有道之長基於此所不喜立憲者惟革命黨耳蓋一立憲則革命無藉口也許氏身爲使臣自應通知各國情事豈不知各國立憲而強不立憲者非弱則亡耶何尚故駭

政府之聞聽也視易置政府疆臣如奕棋然兩語竟是全副精神替政府疆臣數人過慮何遂忘却上有君下有民其居于至尊及占大多數者之何如耶誠如許氏所言然則立憲則利于君利于民所不利者祇政府疆臣數人焉耳果爾則立憲其真更不可緩矣

外部爲辯明謠傳事致美使函○政府以各國喧傳中國將有排外之舉日前特命朱參議寶奎致一洋文信于美柔使畧謂昨見露透電言貴國豫備海軍陸軍一萬五千人又斐獵濱兵五千人整備一切以便中國有事變時立即調遣云云想係因西報載中國將有排外之舉動而誤會實則朝廷輯睦邦交凡各省開教之事立即彈壓保護上下均無排外之意貴大臣寓華多年見聞較確希即將此函轉達貴政府以釋疑團而靖謠言云云

警部人員之調動○探聞巡警部堂官日前札派候補京堂榮勳署理內城巡警總廳總務處參事官其警務處衛生處兩參事則擬定榮樹章比部厚(現充內城東局總辦)祝讀樓直收書元(現充外東局幫辦)試署外城巡警總廳總務處參事係派候補京官陳時利試署參事係派許雋仁比部士英譚司馬學斐試署其餘內外城十八股正副股官尙須待至三四月間分派云

鐵尚書虛懷納善○戶部江南司主事高增榮近日在部上一說帖條陳整頓戶部事宜一請將十四司併爲四司多設分股其財政處銀行均可歸併四司管理一請提取各省飯食銀兩及平餘等項作爲辦事司員津貼一請緩裁各司書吏一係條陳銅元利弊聞該條陳內併司銅元二條頗蒙鐵尚書嘉納日前特傳該主事赴練兵處密商部務鐵尚書並命該主事將併司籌給津貼及銅元利弊之辦法擬定詳細章程呈堂以憑酌辦云

禁阻英商在長沙開設行棧○英商貝納賜在長沙城內開設行棧湘撫以該商曾經被控數次殊非安分商民因飭屬禁阻並令遷移該英商不服現已稟由領事電請英使向外部交涉

電催填地印稅○湖南尊道會林教士購買墳地縣令恐涉曠山輟輟未予印稅已紀前報茲悉日來美使復照催外部故外部又電致湘撫查詢該教士所購墳地有無曠山會否印稅希即電復云

英使來函○前外務部接得駐京英國公使函稱前日有英國醫官至崇文門外街市被巡捕攔阻迫令左行百端威嚇實屬有意輕侮請飭查禁等語外部接函之後已於昨日專行巡警部矣

漢口廣東同鄉電認路股○廣東函云日前總商會接到漢口同鄉官商來電云總商會諸公并致梁閣讀黎觀察同鑒



今日會館集議同人齊到訂明實係商辦共認十萬股計五十萬員如官辦則作廢專此飛達詳細章程請速寄來旅鄂同鄉官商同覆

教士賤官案二十九誌○教士賤官一案本報已見二十八誌茲復接到南昌訪函備極詳細亟照原函彙錄如下

駐滬英領事倭訥君乘坐小輪來江查辦法教士王安之刺死南昌縣江召棠大令亂民焚燒天主堂波及英國耶穌堂並傷教士夫婦二人一案於初八日晚九點鐘到省當道文武官員督率陸軍及各營兵勇排列隊伍在滕王閣碼頭迎接並着派辦政事處為行台領事於次日八點鐘會同兵輪管帶來英醫生達威并南京派來之陳季同副戎崔來臨觀察至撫院拜會仍派水陸營兵先導護送中丞備西筵款待督同司道公宴畢於二點由臬台余廉訪候補道傅春官觀察首府南新縣繙譯委員南京派來二員會同領事等至南昌縣驗江令傷痕領事詳細考驗確係被刺驗畢出城回船初十一二日領事督同美以美會孔教士至被焚各教堂察勘并繪圖兼查失物於十一日將一切情形電達北京英欽使此次兵輪到江并未開放禮炮以免驚慌領事以此次之事英人本受波及對官談論極為和平無恫嚇之意領事擬日內查察一切再行與當道開議辦法 美國領事因保護教堂來江初十日辰刻過湖口十一到吳城日可到當道已備農工商礦局為寓所 江令召棠經英國人壽保險公司保險此次被法人刺死亦欺藐英國聞該兩國亦不免有交涉云南京派來有三大員 陳崔二員已領事到江楊文鼎廉訪於初十日始到 開事及搶劫之犯已獲到四 餘名初九晚由南京委員會同江省各委員提審一次 江令係為國為民遭此凶害初由藩庫支銀四百兩給為醫藥殮後又給六百兩為治喪之費 吳城亦有開教風聲中丞即飛飭湖口鎮並派委員前往防範 又函云英領事倭訥君於初八晚到江次日即偕醫生達威往驗江令傷痕十二日又往復驗聞英領事受法使之託詳細考驗繪圖簽字即作憑証故英領事極為認真江令尸身雖已裝殮棺蓋未曾封口上截暫以玻璃合蓋以便法參贊到江查驗 南京周玉帥派來楊文鼎廉訪崔來臨觀察陳季同副戎史悠儀大令查辦現聞外部派員玉帥電飭該四員回甯撫台胡鼎帥商留陳副戎在江以便商議此事楊廉訪旋即返甯 英國已派(司乃普)兵艦一艘護領事來省現又派一兵艦名(迪夫)駛入查看一切 美國前派兵輪一艘前來保護駛抵吳城聞人心已定故不駛入 所獲人犯現已四十餘名連日在府署審訊

## 本京新聞

內務府咨解本年經費○光緒三十二年各省應解內務府經費共銀六十萬兩刻已由部分咨各省督撫查照按數解京茲抄列如左 兩江鹽課銀五萬兩 福建茶稅銀五萬兩 廣東鹽課銀五萬兩 九江關常稅銀十五萬兩 江海關鹽課銀五萬兩 閩關常洋稅銀共十五萬兩 太平關常稅銀十萬兩 此係由各省經解該衙門之款其由戶部轉解者不在此例云

三大臣電陳俄約要款○出洋查政大臣澤公等前日電致外部請即代奏內言中俄條約關於中國前途最為重要俄人不得志於遠東必極力經營蒙古及西北諸邊省故於議訂條約一味延緩現聞俄國政府密電環利第謂此次議約關係甚重務格外慎重力與磋商因開出關於條約之問題最要者十餘款請即代奏外部已於前日發電代奉旨留中

商部接粵商電文○北京商 日子向書侍郎大人鈞鑒敬電謹悉路款擬二月初一開收小股俟收有成數即將所存行號電稟鈞部至岑督電奏專責黎新籌辦鐵路是全粵之路股是全粵人資本自應公司肩任若專責一人似於商律未合又前牌示令藩司主政之 務局稽核股份銀數人心疑懼仍慮干涉旋奉鈞電衆復感奮認股踴躍於前將來路事運稟鈞部主持乞早定商辦免抽指並除衆商所疑慮俾股東踴躍繳股粵路幸甚仍賜電示以慰衆望 廣州總商會九善堂七十二行商領班凌朝康等叩仰

奏設東三省輪船公司○盛京將軍趙爾巽吉林將軍達留守桂黑龍江將軍程留守德全日前會銜電奏設立東三省輪船會社名曰東三省輪船公司事由政府監督之下購置小汽船數艘擴張東三省航業以期維持利權奉旨交商部核議事屬可行復奏准如所請辦理

學部徵集講義教科書○日前學部 致蘇撫 謂學堂課本最為急務未經採用之私家著述為貴省學人所編纂者祈從速徵集彙解本部以備採擇並先將目錄電復云云又學部以目下正在開始撰定中小各學堂使用之教科書所需採辦書籍諭令各省速郵送矣

## 各省新聞



照錄南昌江令血書原文○（江西）我死為救新業民人。不是與教堂為難。總求神甫保我民。不發兵。不請兵船。案平結。我抵兇犯數命案。教亦可傳。姓非野蠻之人。我死如前。案算了結。不可再追。失信我無怨口。口不縣不怨為救民耳。嗣後傳教民教相安。為主不可任性。江西乃好百姓。非蠻地也。視死如歸。祇是愛口。既承王神甫允結案。不再與兵。我死感激。保佑爾教堂大興。民教從此相安。真大幸也。劉先生致意莫怨我。莫恨我。誰人不為民也。人生無非一口氣。受氣如此。不如死歸土。司鐸口口再三商。斷不辦人。我走請教堂點堂中東西。不少以免藉口。按此血書係南昌別一訪員來函。據云此血書有人抄出一份。因此傳聞於外。其字跡多有模糊之處。悉照原文。故本館亦不增損一字。照錄報端。然其愛民和教之意。亦已溢於言外矣。哀哉慘哉。

北洋陸軍大學堂開辦○（直隸）北洋陸軍各學堂現已林立。如武備速成武備小學堂。師範將弁參謀測繪電信憲兵旗燈各學堂。以及學兵營。隨營學堂。軍界各學規模略備。惟向無陸軍大學堂。緣陸軍大學堂之學生。必由各學堂卒業後。擇其優者。方能升人前當軍學幼稚之時。可入陸軍大學者。實未易其選。現在北洋陸軍學堂及各省武備學堂。並由日本士官成城各學校。卒業回國之學生。其具有入陸軍大學之資格者。量不乏人。故練兵處王大臣與袁宮保會商。保定創設陸軍大學堂。中學生必由各省新軍官長及武備畢業生中。選充而由各該管將軍督撫考拔。咨送卒業後。以備陸軍統將之選。惟該堂規模宏大。必會訓練新軍。而又由武備出身之大員。方足以資鎮服。聞練兵處擬臨時奏派段都護。瑞為該堂總辦。大約四五月間。即當開辦云。

擬造江海兩用淺水兵輪○（江南）江南籌防局慶觀察前奉憲札。以寶泰船貨賠款。并利息應充作海軍之用。請俟斷有實數。先行奏咨。在案。旋與薩軍門會同估計。修理鑄清南琛等船。添造煤炭船。建築魚雷艇。澳充拓煙台學堂。各費約需銀五十餘萬。兩繼又擬將日本續造之船。改製江海兩用之船。一二艘。輾轉籌商。卒未成議。今寶泰賠款。僅三十六萬餘。兩除賠償。費粵省軍火。在船人等行李之外。所剩即屬無幾。前各項自難一一舉辦。現在海州正議開埠。必須淺水兵輪。以資巡緝。可將此項賠款。先行購製江海兩用之船一艘。如有不敷。由局籌湊。若干。或請飭督練公所。前由支應局轉借。籌防局匯豐銀行存款項下。三十萬兩。撥還湊用。已稟請江督周玉帥查核。一俟批准。擬會商薩軍門呈請奏咨立案。

各國新聞

日本憲政黨請廢中國學士取締省令○（日本）中國留學生問題。現雖因各學生業已回校。暫時安靜。然該令之存廢。至今仍未解決。聞憲政本之大養。關合田三君。擬不日往見文部大臣。西園寺君。面請廢止該省令云。譯報知新聞。

創設華人子弟幼稚園○（日本）日本神戶函云。神戶市中山手通之同文學校。近議附設中國兒童幼稚園。招集已達學齡之華人子弟。入園教育。現已從事建築校舍。大約西歷四月之杪。可以落成。先行舉行開園之式。後再募集兒童。然刻預先報名者。已有四十餘名。中國駐神戶領事長福氏。深嘉此舉。捐廉百元。助為該園之基本金。

日俄訂通商新約○（日本）東京函云。日俄通商條約。不日將新訂立。前此由外務省舉石井通商局長。安達書記官。川上元。貿易事務官等三人。擬約稿。已於日前脫稿。豫定由本野公使與俄政府委員商議調印。

美報紀俄要求之款○（美國）最近美國紐約太陽報載。北京西歷二月五日。電云。現在北京中俄兩國談判。俄使薩爾第。要求條款。稱係以中日條約為基礎。其要求之款。大要如左。一。以世界均等為主義。對各外國人。故請將滿洲開作商埠。二。中國當將蒙古之礦山。採掘權。及中國土耳其斯坦。通商上之特權。讓與俄國。三。中國開放卡魯幹（譯音）市。商場。作為各國通商埠頭。所有開埠條件。須先與俄議妥。四。改訂喀克圖條約。五。俄國滿洲之通商。上之特權。須與日本同等。六。黑龍江內鐵道支綫。由中俄兩國共同辦理。右黑龍江省鐵道支綫。中在俄共同辦理之要求。意即以抵制日本所獲奉天安東縣間鐵道支綫敷設之權。俄國公使曾向中國全權言及。中國不應將鴨綠江林木之特權。讓與日本。今俄國欲求抵制此款。故請將黑龍江採伐森林之權。中俄合辦。

西北利鐵路照常運貨○（俄國）西北利亞鐵路。現已轉運貿易貨物。一切如常。

西婦著書排美○（美國）西婦士蔑氏。博士受紐約大學堂勒尼技之聘。委查美國華人之歷史。擬成一專門之書。以

鎮道商建新河機器橋○（江蘇）鎮江新河街口大阪公司碼頭。與招商碼頭毗連。惟中隔一河。行人必須繞道小開。搭客上下及貨物起卸。諸多不便。茲鎮道商陶觀察。擬在該處建設機器橋一座。惟修造駁岸。購置機器。費用甚鉅。擬令大阪公司助銀若干。以資接濟。已函致日本領事商酌辦理。



調查考績該婦在金山埠考查一歲凡涉華人之史記無不詳細查備著成數百頁現該女以其手著之稿冊交伍盤照  
牧師參計此書印就開足一暴美國之罪於天下而亦為我華人之臂助也錄中西日報

調查

日本三十九年分歲人歲出總豫算表

(續)

司法省所管

司法本省

俸給及諸給

七三八八〇

廳費

一九〇三二

修繕費

一四三〇

死傷給與費

七

賠償及訴訟費

五五

旅費

五七四七

雜給及雜費

一七三五三

判事檢事及律師試驗費

二八二九

裁判所

共計一二〇三三三

俸給及諸給

二八九九六五九

廳費

四六一二五一

修繕費

六六九一八

死傷給與費

二七

賠償及訴訟費

八四七

旅費

九〇五三〇

雜給及雜費

九〇九一七四

裁判及登記諸費

五〇六七八七

機密費

四四四〇

監獄費

共計四九三九六二三

俸給及諸給

二九九八八二

廳費

一七二〇一六

修繕費

九〇八九一

死傷給與費

四〇五

賠償及訴訟費

六

旅費

四〇一三六

雜給及雜費

二〇一七九六

在監人費

二五六三三二

司法省所管合計

一〇二三八九一

文部省所管

共計五一七八九五五

文部本省

八四四九八

俸給及諸給

一二六八三

廳費

三一五〇

修繕費

三

死傷給與費

三



賠償及訴訟費  
旅費  
雜給及雜費  
編書費  
教員免許及檢定費  
萬國理學文書目錄委員會加盟諸費  
帝國學士院費

七  
一三二〇〇  
一三〇八二  
三〇〇六七  
七六三二  
四五三九  
一〇八九〇

## 專件

### 上海租界華商公議會議章程

#### 第一節 題名

一本會定名為上海租界華商公議會

#### 第二節 明義

一本會以維持公益保護治安華民之利便期與租界西人一律享受優待為唯一之宗旨

一本會對於官長則以謹守權限凡國際上之交涉概不與聞為宗旨

一本會對於租界工部局則以和平之志願靈敏之手腕不激不隨以求達目的為宗旨

一本會對於華民則以增進幸福俾享自由之權利養成謹守法律之良民為宗旨

#### 第三節 名位

一本會義務董事（甲）選領袖以任代表為員二（乙）選經理以任庶務為員六（丙）選監察以慎出納為員一

一本會理事員（甲）聘定辦以主文牘為員一（乙）聘繙譯以重外交為員一（丙）聘支應以司經費為員一

（丁）聘書記以任胥為員一

#### 第四節 選舉

一本會董事經由發起人就紳商二界選名望素孚中外推重者東請題名全體計四十八人嗣後非缺不補非本在會內董事介紹並得多數之董事認可亦不補固甯缺毋濫之意也

一正副領袖迄於經理監察任有義務之董事概以一年為期及期則本會東請全體董事分送所刊之選舉票各就所知擇尤推舉每年正月內舉行其願舉續任者亦聽但不得留至三任以均勞逸

一膺選之董事必求合於後開之格（一）品端行潔心平氣和者（二）有定業者（三）年力能耐勞者（四）諳習洋文者或未習洋文而名著一時為中外所推重者

#### 本會選舉票式

##### 第一次第一號選舉票

茲願舉 先生分任領袖經理監察各義務董事

此票定於 月 日 封投本會選舉筒內

光緒年 月 日 上海租界華商公議會議選舉票

凡屆選舉之期先期七日將選舉票填明號數與本會董事全體之姓名單同送每人一紙每紙共舉九人會中仍立底本留備查考惟未開筒之先不得預洩

一本會聘請各員應俟每年選舉決定義務董事後由全體董事覈其功效決定去留無庸一體投票以示區別

#### 第五節 權限

一本會為商界組織董事都係商人與官立局所迥異設會宗旨經見於第二節明義條內至權限則以不侵官權為永遠遵守主義庶幾區域分而嫌疑亦泯亦互相維持期於不敝之一道也

一中外商民糾葛但無關國際於未涉訟前兩造來請調停者本會可任其理諭之責一經控告即應由有裁判權之會審解員與領事主之非經地方官移請辦理不認為應有之義務

一維持會事務董事之責坐辦當效其襄助決可否而獻替之若事關重大則當取決於董事之全部而後施行

一租界店戶林立商業種類亦至紛繁其中不無營業較小未克於本會設有董事者遇與西人因交易糾葛但無關國際本會亦一律為之理處



一尋常事件一經決定辦法正副領補及經理各董內有三人之認可即當施行  
 一日行事件坐辦宜有記載不獨備查檢並以示公認也每旬一冊由全體董事檢察蓋章存案  
 一繕譯所具國文稿件應先由坐辦察覽乃交義務董事核奪  
 一繕校爲書記專責坐辦得稽其勤惰而申儆之

第六節 經費

一本會經費現在開辦伊始暫由全體董事籌墊  
 一所有開支數目自當造冊印送以示徵信而重公款至造報時期定爲每年一次  
 一經理監察各董事概不致送薪水即夫馬之費亦暫自備  
 一坐辦爲聘請員領袖薪水應俟經費充裕時從豐致送現暫援照商務總會之例優送夫馬  
 一特別用款數在十兩以上非經領袖或監察蓋章認可不得濫支收支員徇情支應責成賠還

第七節 雜章

一未盡事宜隨時添列本節之內  
 一本章程經領袖監察司全體董事署名認可如有改良亦應集議承認後乃得宣布

宮門抄

二月二十六日兵部 太常寺 廂白旗值日 外務部引 見四名 兵部三十一名 刑部十五名 都察院一名  
 正監滿二十名 候補道府丁惟魯等謝 恩 全興夏孫桐劉汝驥預備 召見  
 召見軍機 全興 夏孫桐 劉汝驥

上諭

二月二十六日奉

上諭浙江紹興府知府員缺著貴福補授欽此  
 上諭伊克坦現在穿孝都察院左副都御史著麒德署理欽此

二月分選單 知府湖北宜昌存厚正白旗人通判湖北漢陽陳盛銓湖南辰溪知縣安徽祁門陳純熙河南寧陵湖北利川  
 張振聲安徽舉陝西甘肅蕭雨潤奉天貢生北通城傅繩志順天監廣東西甯張榮熙福建舉陝西米脂傅鴻詒山東  
 附山東鄆城張裕漢湖北監山西大寧黃中環福建舉貴州餘慶李淑民江西山東兗州楊沂江蘇俱監布經四川  
 洪藻安徽貢生府經山東州陳之安安徽舉總檢山東東平州任壽齡江西永豐王江俱浙江監典史湖南祁陽馬德  
 明四川監貴州清鎮王肇基湖南文章

旨廕生多壽著以文職用麟治着以待衛用麟濟着以旗員用截取江西道監察御史劉汝驥着照例用分發直隸補用  
 道丁惟魯直隸試用道李同卿湖南試用道劉鴻聲四川試用道周善培直隸試用知府李大防北河試用同知范金  
 鏞直隸試用同知梁鍾浚安徽試用直隸州知州石振瑛湖南試用直隸州知州毛慶亮直隸試用知州程立江蘇試  
 用通判劉繼昌江西試用通判余壽鏞四川試用通判宋振鈞錢增葆江蘇補用知縣王壽朋高光第楊開運山東補  
 用知縣王鏡明甘肅補用知縣劉秀栢福建補用知縣王秉錄江西補用知縣鮑誠炎湖南補用知縣吳有倫四川補  
 用知縣裘文蔚林福熙廣西補用知縣牟會文直隸試用知縣祝際清江蘇試用知縣高廷捷毛慶琦沈定鎰安徽試  
 用知縣王壬癸山東試用知縣傅模孫湖南試用知縣靳樹棠陸守仁陳慶麟饒祖蔭陝西試用知縣李倬趙訓衆缺  
 肅試用知縣瞿壽康浙江試用知縣裕昌江西試用知縣張伯芳湖北試用知縣熊振軒王修安湖南試用知縣趙文  
 萃四川試用知縣晉懷禮貴州試用知縣王晉英兩淮試用鹽大使馬祀蔭俱着照例發往吏部考功司員外郎員甘  
 着蔣廷黻授科布多糧餉章京着慶泉去保舉直隸補用知縣馬桂春雲南補用知縣文恒俱着照例用卓異前廣  
 西太平府知府何耀章著准其於知府任內卓異加一級獲犯陝西佛照廳同知唐沛霖着以知府在任遇缺儘先補  
 用 此 又軍機大臣面奉

諭旨本日引見之前廣西梧州府知府馮應龍奉 旨着以簡缺知府用欽此

批摺理由

政務處二件  
 戶部議駁江西省報効學堂經費請按照賑捐以四成實銀給獎奉 旨依議 又閩海關借支稅款仍由該將軍設法



籌還奉 旨依議

二月二十四日

宗人府奏請 派正紅旗總族長事奉 旨派出載振 又奏御史榮凱之女許配平藩事奉 旨知道了 吏部奏鴻臚寺卿缺請 簡事奉 旨留 又奏太常寺少卿缺請 簡事奉 旨留 又奏翰林院侍讀學士缺請 簡事奉 旨留 戶部奏議覆 盛京將軍奏籌辦善後請再收實官捐並將七項常捐展限一年事奉 旨依議 又奏議覆新疆巡撫奏籌辦新政請留款項事奉 旨依議 又奏援案酌撥南運河歲拾修銀兩事奉 旨依議 又奏會議江西省地丁奏銷事單二件奉 旨依議 又奏江西省兵米奏銷事單一件奉 旨依議 又奏會議江西省壓徵蘆課奏銷事單一件奉 旨依議 又奏核覆直隸徵收烟酒稅捐收支各款事奉 旨依議 又奏核覆直隸火車貨捐各項數目事奉 旨依議 又奏核覆江西省地丁隨本奏銷事奉 旨依議 又奏核覆江西省壓徵蘆課隨本奏銷事奉 旨依議 又奏核覆江西省兵米隨本奏銷事奉 旨依議 又奏核覆陝西省善後各營收支各款事單一件奉 旨知道了 又片奏在京親王文武官員應支本年春夏二季俸祿事奉 旨知道了 又奏核明銀庫正月分收支各款事單一件奉 旨知道了 又片奏候補主事谷如墉請留部當差毋庸調赴晉省事奉 旨依議 內務府奏 兩陵一等郎中可否奉 旨圈出後覆行引 見請 旨事奉 旨依議 又片奏 西陵一等員外郎可否 記名後以關差道府用請 旨事奉 旨依議 又奏揀派司員恭送 泰山香供事奉 旨知道了 御前大臣奏挑補奏事處筆帖式事奉 旨知道了 正白旗滿洲奏署佐領圖記事奉 旨依議 又奏署佐領圖記事奉 旨知道了 崇文門奏第二等徵收商稅數目事奉 旨戶部知道 又片奏劃出平餘用作捐款事奉 旨依議 朱煜勳奏致祭明陵起程日期事奉 旨知道了

奏

稿

刑部奏重定上海會審公堂刑章摺

奏為遵 旨速議具奏事先緒三十一年十二月十四日軍機處片交本日奉 旨外務部呈遞周馥電據稱上海會審公堂擬變通刑章以期華洋輕重略均等語著刑部迅速議奏欽此抄錄原電交出到部查原電內稱上海會審公堂章

(五 十)

程如案內查保華人歸華如審判毋庸領事干預近十餘年凡經工部局會提之華人領事派副領事於早堂隨審交涉之案何國原破即由何國派員又華民犯罪俟會審判定後枷杖以下罪名由華員設落徒罪以上歸上海縣辦理此向來辦案大概情形也本年奉定新章變通答杖罪仿照外國罰金辦法如無力完納折為作工謹當遵照辦理但中外情形不同貧乏不名一錢無銀可罰工藝廠尚未開辦無工可作現時到案人犯擬分罪名為五等一交差帶取保保後不再犯即時省釋二公堂暫押取保三交縣發本地保甲管束四答罪自十至五十暫押公堂十日至五十仍准輕重量為增減五杖罪按數改為監禁如杖一百即監禁百日情重者量加公堂向無牢獄有押所可容男犯百人女犯三十人西人因犯人多別建牢以羈華犯現監禁五百餘人頗有連枷鎖鑊等刑痠死者不報華官殊不成事今欲自建一牢約估需五十萬金常年經費十餘萬金經費尚苦無着此時監禁之犯不能不暫借西牢應由該員批明非兇惡及瘋病不加刑具一俟習藝工廠建成再遵照奏定章程辦理至女犯向押公堂今擬女犯罪輕者交親族或的保管束如拐帶誑騙之案訂明管押日限以十日至百日為限又錢債案被控不跪審惟刑名案向華官前跪審但犯者尚未審實已罹熬番之刑殊覺不合如近日黎黃氏以官眷婦婦誣為拐帶深堪憫惻竊以為洋員陪審無論何犯到堂俱植立聽審俟罪名判定動其跪聽判詞似較允當等因查由外務部呈遞欽奉 諭旨著臣部迅速議奏臣等竊維上海華洋雜處詞訟繁多凡緝捕拘禁各事辦理稍或失宜皆足以貽口實而滋流弊其原訂會審公堂章程如案內全係華人歸華官審判一條固已劃明界限如果該公堂先事圖維建牢獄並設立習藝工廠何致有婦女羈禁西牢之案至中外刑章不同彼寬此嚴徒來外人殘酷之譏馴至外人之待華民更加殘酷而不恤如此大黎黃氏被誣管押西牢蓋積漸使然也刑章為法權所繫亟宜酌量變通俾輕重略均庶足以劑其平而善其後茲據該署督電稱答杖改為罰金惟貧民不名一錢無銀可罰工藝廠尚未開辦無工可作現時到案人犯擬分罪名為五等詳加酌核如差帶取保省釋並公堂暫押取保及交縣管束此三等尚屬周妥應如所議辦理惟答罪改押公堂杖罪改為監禁一等如按答杖寔數作為押禁日期未免過重查奏定章程無力完納罰金折為作工四日以次遞加至十五兩折作工六十日而止等因今該公堂尚未開辦非犯習藝工廠擬請代以押禁自應按照原定折為作工日期分別代以押禁以昭平允而歸劃一又所稱今欲自建一牢經費尚苦無着此時監禁之犯不能不暫借西牢應由該員批明非兇犯及瘋病不加刑具等語具見



公堂擬將罪輕者交親族或的保管束如拐帶誑騙之案訂明管押押期以十日及百日為限等語所擬向屬允協仍令查照婦女贖罪新章分別辦理至洋員陪審無論何案到堂俱植立聽審候罪名判定飭其跪聽判詞亦係矜恤罪犯免罹熬審之苦尚屬可行惟既經准免長跪聽審則定案判詞亦應免其跪聽以歸一律總之上海為通商大埠設立會審公堂歷有年所無論華洋案件總須持平辦理尤在委員得人力能保固法權至改良監獄及收犯習藝尤為切要之圖未可恃有借禁西牢苟且補苴日久又滋糾葛應令該署督迅速飭屬興辦俟獄舍及工廠告成一律遵照奏定章程核辦以期整齊劃一如蒙 俞允臣部即行文該署遵照辦理等因摺上奉 旨依議欽此

### 文苑

讀史偶述

十芳子稿

編葛而還事可憐。追維禍始恨當年。易名千載休相語。讀史為程傳一篇。主憂臣辱義難詳。節鉞雍容上國光。高朗令終遺恨少。但論福澤似汾陽。熙豐元祐禍相安。洛蜀同聲共笑。一代高文八州督。平生祇是沐猴冠。坐領荆襄十載餘。年來食獸武昌魚。青溪九曲春如海。不見真除一紙書。半壁東南重楚材。荊蘭採盡刺蒿萊。弄墨伏獵君休笑。臣自兜鍪隊裏來。曾聞幕府助南豐。白髮飄蕭眷顧隆。僕射不如酣飲好。江南醉殺李鴻忠。漢家三輔重屏藩。鎖鑰還兼管北門。一代人才凋謝盡。可憐此事遽推袁。紛然財政起如麻。經制椿錢歲有加。轉比承平度支裕。儘容浪擲似泥沙。又見星軺出上都。往時覆轍儘堪虞。李平舊事無人記。虎尾春冰一幅圖。陪京宮闈久蒿萊。為問冬青幾樹栽。記得漁洋詩句好。太平丁子卜陵和。百粵煙塵一戰餘。紅羊浩劫湧前車。中興事業標銅柱。趙括空教讀父書。風流文采一書生。持節天南萬里行。獨秀峰頭長嘯處。黃巾知否重康成。清名矯矯動朝端。直把牢盆敵雁看。介甫未除知制誥。也曾閉閣苦辭官。十洲三島手分攜。大好樓花待品題。游興闌珊歸去也。一時都作禿鶻啼。不惜重洋擲巨費。乘槎萬里遠求師。歸來果得他山助。參透義經革卦辭。童男三目一帆風。人笑贏秦太鑿空。縱不得仙無後患。祖龍畢竟是英雄。龍門千載勢崔嵬。此後蓬蒿長鎖闥。文字廢興關氣運。獨憐閒殺老朱衣。鏡中繪出鳳鸞姿。也算巡方到四夷。身毒萬人齊下拜。錯疑王母降瑤池。官娘新樣至今留。薄俗相沿未肯休。宏濟艱難多少事。漫勞料理到雙鉤。稗官一卷寄牢騷。摹繪如添頰上毫。溫嶠靈犀神禹鼎。漫云如畫似山濤。